



# Studegiar rumantsch



**Il program da studi «Lingua e litteratura rumantscha» s'occupa cun fatgs, dumondas ed analisas pertutgant il rumantsch. Il rumantsch è ina lingua uffiziala dal Chantun Grischun, ina lingua nazionala da la Svizra, ina lingua regiunala da l'Europa.**



## In studi cun ina gronda diversitad

Per esser ina lingua pitschna regiunala enconuscha il rumantsch ina diversitad surprendenta da tradiziuns litteraras e culturalas. Il studi da rumantsch a l'Universitad da Turitg s'occupa cun la litteratura contemporanea rumantscha, cun contacts linguistics e culturalis, cun l'istorgia da la lingua, da la litteratura e da l'identitad rumantscha. El prenda sut la marella dumondas actualas che concernan la situaziun specifica da minoritads linguistics, sa fatschenta cun la digitalisaziun da linguas pitschnas e cun dumondas sociolinguistics.

## Tge dovri per studegiar rumantsch?

Per in studi da rumantsch a l'Universitad da Turitg ston ins avair bunas cumpetenzas en almain in idiom rumantsch, ch'ins po er acquistar en il rom d'in curs da plirs semesters entaifer il studi. Las studentas ed ils students enconuschan in l'auter ed apprezzieschan l'atmosfera famigliara en il Seminari da romanistica. Quai èn bunas premissas per in studi fritgaivel, er per persunas che vuessan imprendier rumantsch e s'occupar cun las tradiziuns e sfidas actualas da questa cuminanza linguistica.

## Perspectivas professionalas

Il studi da rumantsch sa lascha cumbinar cun blers auters roms ed avra perspectivas professionalas multifaras ed attractivas:

- en scolas ed instituziuns da furmazion,
- en la perscrutaziun e la scienza,
- en il schurnalissem e las medias,
- en la promoziun ed animaziun culturala,
- en instituziuns da translaziun,
- en l'administraziun publica,
- en bibliotecas, mediatecas ed archivs e dapertut nua ch'ina plurilinguitad romanistica e rumantscha è dumandada.

## Tge programs vegnan purschids?

### Bachelor

**Linguistica e ciencias litteraras rumantschas**

—Rom lateral, Minor: 60 ECTS

### Master

**Linguistica u ciencias litteraras rumantschas**

—Rom lateral, Minor: 30 ECTS



### Adressa

Universitad da Turitg  
Seminari da romanistica  
Zürichbergstrasse 8  
CH-8032 Turitg  
+41 44 634 36 11  
rose@rom.uzh.ch  
www.rose.uzh.ch

